

周禮古義

昭代叢書甲集補卷第五

吳江 沈林惠 翠嶺 輯

周禮古義

元和惠棟松崖著

天官膳人注云膳之言夕也說文咎乾肉也从殘罔  
日以晞之與俎同意籀文作咎从罔咎夕古字通  
穀梁傳云日入至于星出謂之咎管子云旦咎從  
事王逸楚辭章句引詩云樂酒今咎是皆以咎爲  
夕咎之爲物經夕乃乾故言夕或作久久猶咎也

外傳云厚味實膾毒韋昭曰膾讀若厖咎酒漢之  
酋久白酒亦云咎酒張參五經文字云說文作咎  
石經作昔

大宰六典二曰教典以擾萬民注云擾猶馴也案春

秋傳云乃擾畜龍應劭曰

史記注

擾音柔擾馴也尙

書擾而毅徐廣曰擾一作柔字本作擾見玉篇擾  
有柔音故史記或作柔又有馴音故李軌徐邈皆  
音尋倫反或音而小反失之

九賦注云賈人倍算此漢律也應劭漢書注云漢律

人出一算算百二十錢唯賈人與奴婢倍算

小宰八成一曰聽政役以比居先鄭云比居謂伍籍也此地爲五因內政寄軍令以伍籍發軍起役者平而無遺脫也李靖曰春秋左氏傳云先偏後伍又司馬法曰五人爲伍尉繚子有束伍令漢制有尺籍伍符後世符籍以紙爲之於是失其制矣

官正幾其出入注云謂幾呵其衣服持操及疏數者釋文呵佗荷音呼何反又音何毛居正六經正誤云案閩人注苛其出入比長注呵問秋官萍氏苛

察環人苛留凡五處音義皆同而字或作荷或作  
苛或作呵其實一也古字通用俗用大抵如此漢  
書誰問作何責問作呵亦作訶刻虐作苛美渠作  
荷棟案刻虐之苛字本作荷毛詩序云哀刑政之  
荷春秋傳云荷慝不作漢書好持荷禮是也今本皆作  
苛非也荷擔之荷本作何易何天之衢論語何蕢是  
也責問之呵本作苛漢乙令有呵人受錢見陳羣新律序  
說文云廷尉說律至以字斷法苛人受錢苛之字  
止句也苛从止从句則爲苛字經典所無然古文

可與句通康誥云盡執拘以歸于周說文引書云  
盡執柯但苛从艸从可不从止以苛爲止句故說  
文以爲不合孔氏古文

內饗馬黑脊而般臂螻注云般臂臂毛有文疏云鄭  
荅洽剛童牛之牯牛在手曰牯牛無手以前足當  
之此馬亦然故言般臂北山經曰諸毗之水其中  
多水馬其狀如馬文臂牛尾郭璞云臂前腳也周  
禮曰馬黑脊而斑臂膊

外饗饗士庶子注云士庶子衛王宮者若今時之饗

衛士矣續漢書禮儀志云饗遣故衛士儀百官會  
位定謁者持節引故衛士入自端門衛司馬執幡  
鉦護行行定侍御史持節慰勞以詔恩問所疾苦  
受其章奏所欲言畢饗賜作樂觀以角抵樂闋罷  
遣勸以農桑案前漢饗衛士於曲臺後漢於平樂  
觀

瘍醫以五氣養之注云五氣當爲五穀字之誤也何  
焯云氣訂義音餼則字不必改而義得矣棟案說  
文饋客芻米曰氣氣本餼字經傳無五氣之文內

經云五穀爲養五果爲助五菜爲充故鄭據此五氣當爲五穀訂義非也

酒正四飲二曰醫注云醫之字从毆从酉省也案文當云从毆从酉省說文云毆病聲酒所以治病也周禮有醫酒

司裘注中秋鳥獸毼毼釋文云毼音毛棟案毼當爲髦字之誤也鄭氏尙書云中秋鳥獸髦毼中冬鳥獸毼髦涉下而誤耳

內司服注六服皆袍制以白縛爲裏使之張顯今世



有沙穀者名出于此釋名曰穀粟也其形足足而

踞視之如粟也又謂沙穀亦取踞踞如沙也

說文云穀

細縛也與鄭說合

地官廛人注故書廛爲壇杜子春讀壇爲廛說云市

中空地元謂廛民居區域之稱案管子五輔篇曰

辟田疇利壇宅荀卿子云定廛宅是古廛字皆作

壇也

土訓注鄭司農云訓讀爲馴案訓與馴古今字史記

五帝紀云帝堯能明馴德徐廣曰馴古訓字又殷

本紀帝舜命契曰百姓不親五品不馴後漢書又

作訓

古文作恣  
俗作遜

萬石君傳馴行孝謹亦作訓易坤

初六象曰馴致其道鄭注云馴從也徐爰音訓依  
鄭義漢書韋元成傳元成詩云惟我節侯顯德遐  
聞左右昭宣五品已訓訓與聞協則知訓讀爲馴  
先鄭之說信矣

大司徒以土圭之瀋測土深正日景以求地中注云  
故書求爲救杜子春云當爲求案救當作殺古文  
求說文引虞書云旁殺倂功蔡邕石經般庚云器

非投舊皆以殺爲求

古救字佗求  
裘字佗求

其附于刑者歸于士注云士謂主斷刑之官或謂歸  
于園土鄭以古土字有佗士者故復以園土釋之  
詩周頌云保有厥土義佗土世本佗篇云相士佗  
乘馬卽相土也呂覽任地云后稷曰子能使吾土  
靖而畊浴士乎高誘曰士當爲土周牧敦亦以士  
爲土

小司徒及三年則大比注云大比謂使天下更簡閱  
民數及其財物也鄭司農云五家爲比故以比爲

名今時八月案比是也東觀漢記元初四年詔曰  
方今八月案比之時李賢後漢書注云案比謂案  
驗戶口次比之也續漢書禮儀志云仲秋之月縣  
道皆案戶比民疏云漢時八月案比而造籍書周  
以三年大比未知定用何月案管子度地篇云令  
曰常以秋歲末之時閱其民案家人比地定什伍  
口數別男女大小其不爲用者輒免之有錮病不  
可作者疾之可省作者半事之

鄉大夫以鄉射之禮五物詢衆庶五曰興舞注云故

書舞爲無杜子春無讀爲舞謂能爲六舞古無與  
武同音武又與舞通禮器云周坐尸詔侑武方注  
云武當爲無聲之誤也論語射不主皮馬融云射  
有五善焉一曰和志體和二曰和容疑和字衍有容儀  
三曰主皮能中質四曰和頌合雅頌五曰興武與  
舞同漢武梁祠堂畫象云秦武陽今史記作秦舞  
陽知古字通

牛人共兵車之牛以載公任器注任猶用也二老堂  
雜誌云宋景文公博極羣書其筆記云余見今人

爲學不及古人之有根柢每亦自愧常讀式目中  
有任器字注云未詳其任器乃荷擔之具雜見子  
史中何言未詳子謂禮牛人以載公任器乃六經  
語而景文但引子史何耶

師氏掌國中失之事以教國子弟注云中中禮者也  
失失禮者也故書中爲得杜子春云當爲得記君  
得失若春秋是也三倉曰中得也

史記索隱

封禪書云

康后與王不相中周勃傳勃子勝之尙公主不相  
中皆訓爲得呂覽云禹爲司空以通水潦顏色黎

黑步不相過竅氣不通以中帝心高誘日中猶得則中失猶得失故鄭用杜說而不改字

保氏五射注鄭司農云五射白矢參連剡注襄尺并儀也釋文云襄音讓本作讓諸音非棟案讓亦音

襄古字通大戴記投壺篇本云弓既平張四侯且

良沒拾有常既顧乃讓乃指乃讓

讓从言襄聲

乃隋其

堂乃節其行既志乃張是讓有襄音

詩角弓讓與亾叶

謂人云凡有鬪怒者成之鄭司農云成之謂和之也和之猶今二千石以令解仇怨後復相報移徙之

此其類也何休公羊注云古者諸侯有難王者若  
方伯和平之後後相犯復故罪此調人成之之法  
也成之者何和之也王褒集僮約注云漢時官不  
禁報怨引見御覽故二千石以令解之令者漢令有和

難之條鄭云後復相報移徙之者案後漢桓譚疏  
曰今人相殺傷雖已伏法而私結怨讎子孫相報  
後忿深前至於滅戶殄業而俗稱豪健故雖怯弱  
猶勉而行之此爲聽人自理而無復法禁者也今  
宜申明舊令若已伏官誅而私相傷殺者雖一身



逃亡皆徙家屬於邊其相傷者加常二等不得雇  
山贖罪如此則仇怨自解諱所云舊令卽先鄭所  
云移徙之法也

質人同其度量壹其淳制杜子春云淳當爲純純  
謂幅廣制謂匹長案管子作綽制制分篇云衡石  
一稱斗斛一量丈尺一綽制戈兵一度上經注云

處斗斛及丈尺愚謂斗斛  
屬量戈兵屬度管子是也

掌節皆有期以反節注云將送者執此節以送行者  
皆以道里日時課如今郵行有程矣漢書趙充國

傳云充國陳兵利害六月戊申奏七月甲寅璽書  
報從充國計此郵行有程之證

遂師及窆抱磨注云磨者適歷執紼者名也疏云天  
子千人分布六綽之上分布稀疏得所名爲適歷  
棟謂歷當作秣說文秣稀疏適也讀若歷稀疏適  
均故謂之適歷

稍人掌令邱乘之政令注云邱乘四邱爲甸甸讀與  
維禹敷之之敷同其訓曰乘由是改云疏云案毛  
詩云惟禹甸之不爲敷者鄭先通韓詩此據韓詩

而言敵敵是軍陳故訓爲櫟由甸出車一櫟可以爲軍故改云櫟不爲甸也棟案敵古文陳見義雲章小司徒注云甸之言櫟也讀如中甸之甸又甸祝注云甸之言田也小宗伯注云甸讀爲田古陳田字同陳又訓櫟又與甸通

司稼巡野觀稼以年之上下出斂漕注云斂漕者豐年從正凶荒則損若今十傷二三實除減半疏云鄭舉漢漕以況義十傷二三三者謂漢時十分之內傷二分三分餘有七分八分在實除減半者謂就

七分八分中爲實在仍減去半不稅於半內稅之  
案後漢紀云永元五年詔今年郡國秋稼爲旱蝗  
所傷其什四以上勿收田租有不滿者以實除之  
注云所損不滿四者以見損除也然則不滿四者  
謂十傷二三也十四以上勿收田租則不在斂漙  
之內矣

春官司几筵注云筵亦席也鋪陳曰筵籍之曰席然  
其言之筵席通矣大射儀曰賓升就席注云今文  
席爲筵是筵與席古今字故云筵席通

職喪注云職主也周書大聚云立職喪以恤死

大宗伯以血祭祭社稷五祀五嶽注云故書記作禋  
鄭司農云禋當爲祀案小祝保郊禋于社杜子春  
讀禋爲祀說文云祀或从禋汗簡云古文尙書以  
禋爲祀

五命賜則注云王莽時以二十五成爲則方五十里  
合今俗說子男之地王莽傳云諸公一同有衆萬  
戶土方百里侯伯一國衆戶五千土方七十里子  
男一則衆戶二千有五百土方五十里附城大者

食邑九成衆戶九百土方三十里自九以下降殺以兩至於一成五差備其合當一則案十里爲成成百戶故方百里爲萬戶方七十里爲四千九百戶言五千舉成數也方五十里爲二千五百戶皆與王制合附城猶周之附庸自九成至一成降殺以兩五差計之合一則二十五成之數呂覽慎勢云王者之封建也彌近彌大彌遠彌小海上有十里之諸侯附城一成其古制與康成謂唯劉子駿識之爾

小宗伯云凡王之會同軍旅旬役之禱祠肆儀爲位  
注云若今時肆司徒府也漢書淮南王傳云與諸  
侯王列侯會肆丞相諸侯議注云肆詣也漢舊儀  
曰哀帝元壽二年以丞相爲大司徒

肆師注尙書傳曰王升舟入水鼓鐘亞觀臺亞將舟  
亞宗廟亞案尙書大傳亞作惡鄭注云惡讀爲亞  
施宿石鼓文釋云亞汗簡作亞云古孝經作惡詳  
易古義

凡師不功則助牽主車注云故書功爲工鄭司農工

讀爲功古者工與功同字

凡國之大事治其禮儀注云故書儀爲義鄭司農云  
義讀爲儀古者書儀但爲義今時所謂義爲註  
司几筵設莞筵紛純注云紛如綬有文而狹者漢官  
儀云綬長一丈二尺闊三尺故云有文而狹

冢人以齋等爲邱封之度與其樹數注云別尊卑也  
王公曰邱諸臣曰封漢律曰列侯墳高四丈關內  
侯以下至庶人各有差易大傳云不封不樹虞翻  
注云穿土稱封封古窆字也聚土爲樹其說與冢



人合邱者邱隧故曰王公曰邱封者葬下棺故曰  
諸臣曰封樹數高下無明文因引漢律以證之疏  
以封爲聚土樹爲樹木皆失之

鄭注檀弓仍以封爲高下之數非也

大司樂凡有道者有德者使教焉注云道多才菽者  
德能躬行者若舜命夔典樂教育子是也釋文云  
育音胄本亦作胄說文引虞書云教育子云養子  
使作善也今薛宣書古文亦作育尔正育胄皆訓  
長故馬季長注尙書亦云胄長也教長天下之子  
弟詳尙書攷

以樂德教國子中和祇庸孝友注云中猶忠也案中  
與忠通漢呂君碑云以中勇顯名義作忠後漢王  
常爲漢忠將軍馮異傳作中古文孝經引詩云忠  
心藏之何日忘之見釋文今毛詩作中曾子大孝篇云仁者仁此者也義者宜此者也忠者中此者也知忠與中同

凡六樂者文之以五聲播之以八音注云故書播爲  
藩杜子春云藩當爲播讀如后稷播百穀之播棟  
案古藩字亦作播尙書大傳五行傳云播國率相行  
事鄭注云播讀爲藩

令去樂注云去樂藏之也春秋傳曰壬午猶繹萬入  
去籥萬言入則去者不入藏之可知案古人皆謂  
藏爲去春秋傳云去樂卒事又云紡焉以度而去  
之公羊傳云去其有聲者皆訓爲藏顧炎武云漢  
書蘇武傳掘野鼠去中實而食之師古曰去謂藏  
之也陳遵傳皆藏去以爲榮師古曰去亦藏也魏  
志華陀傳去藥以待不祥臣松之案古語以藏爲  
去

樂師詔來瞽臯舞注云鄭司農云臯當爲告元謂臯

之言號告國子當舞者舞說文曰禮祝曰皋登爵  
曰奏故皋奏皆从本周禮曰詔來鼓皋舞皋告之  
也先鄭讀皋爲告者戰國策曰商君告歸延篤以  
爲告歸今之歸寧也東觀漢記田邑傳云邑年三  
十歷卿大夫號歸罷厭事少所嗜欲號歸卽告歸  
也皋讀爲告告讀爲號皋告同音故大祝注云皋  
讀爲卒嗥呼之嗥漢書記云高祖嘗告歸之田服  
虔云告音如嗥呼之嗥是告又讀爲嗥然則皋告

嗥三字同物同音故二鄭所讀亦無兩義

顏籀注  
漢書以

爲告字假爲皦音並無別義熊朋來經說又以  
鄭氏前後異讀皆不識古音而妄下雌黃者也

藏板

大胥注漢大樂律曰卑者之子不得舞宗廟之耐除  
吏二千石到六百石及關內侯到五大夫子先取  
適子高七尺已上年十二到年三十一顏色和順  
身體脩治者以爲舞人疏云旣云取七尺以上而  
云十二到三十則十二者誤當云二十至三十又  
引鄉大夫職以爲證棟案劉昭後漢書補注引盧  
植周禮注所載大樂律七尺侖五尺鄭注論語云  
六尺謂年十五以上則五尺爲十二審矣賈疏失

之

鋪師凡軍之夜三鑿皆鼓之守鑿亦如之注云守鑿  
備守鼓也杜子春云一夜三擊備守鑿也春秋傳  
所謂賓將趨者音聲相似夏官掌固云夜三鑿以  
號戒杜子春云讀鑿爲造次之造爲擊鼓行夜戒  
守也春秋傳所謂賓將趨者趨與造音相近故曰  
終夕與燎案鑿說文作蚤云夜戒守鼓也从豈蚤  
聲禮昏鼓四通爲大鼓注作鑿引司馬法云云夜半三通爲  
戒晨旦明五通爲發明注作讀若戚鄭於鼓人注

用叔重之說杜子春又云鑿讀爲憂戚之戚與說  
文合賈疏云言鑿者聲同憂戚取軍中憂懼之意  
趨造音相近長言爲趨短言爲戚

鞮鞻氏掌四夷之樂注云四夷之樂東方曰韎南方  
曰任西方曰株離北方曰禁詩云以雅以南是也

後漢書陳禪傳云尙書陳忠劾禪曰古者合歡

白虎

通作之樂舞於堂四夷之樂陳於門故詩云旨雅

旨南韎任朱離注云毛詩無韎任朱離之文蓋見

齊魯之詩也今亡

大卜原兆注云原原田也周易比卦云原筮元永貞

干寶曰原卜也周禮三卜一曰原兆春秋傳曰原

田崧崧說文云崧艸盛上出也高卬之田圻如龜

文故曰原田兆之豐罍有似高卬之田

尔正云高平曰原

故曰原兆賈疏以爲原與原田字同恐大憤憤也

大祝六號五曰齎號注云齎號爲黍稷皆有名號也

曲禮曰黍曰薌合梁曰薌其稻曰嘉疏案禮記正

義云隋祕書監王劭勘晉宋古本皆無稷曰明棗

一句立入疑十二證以爲無此一句爲是今此注



所引亦無是句當在十二證之一也又獻帝宗廟  
祝嘏辭所薦一元大武柔毛剛鬣商祭明眎香合  
嘉疏醢醢豐本而不及明粢又蔡氏獨斷載祭宗  
廟禮牲之別名及祭號等皆與曲禮同獨無稷曰  
明粢一句

九擗三曰空首穆天子傳云天子賜許男駿馬十六  
許男降再拜空首郭璞云空首頭至于地

夏官司燿說文曰燿取火於日官名舉火曰燿周禮  
曰司燿掌行火之政令从火藿聲或作烜从亘案

司燿注讀如予若觀火之觀古喚反秋官司烜氏音燿

讀如衛侯燬之燬鄭氏兩讀許君合而一之蓋本  
賈侍中之說高誘曰燿讀如權字漢郊祀志云通  
權火

羅氏云中春羅春鳥注云春鳥蟄而始出者若今南  
郡黃雀之屬郭義恭廣志云黃雀脂肥絕美江夏  
竟陵常給獻大官御覽

司右注司馬灋曰弓矢圍殳矛守戈戟助凡五兵長  
以衛短短以救長案今司馬灋曰右兵弓矢禦殳

矛守戈戟助凡五兵五當長以衛短短以救長賈  
公彥曰弓矢圍者圍城時也愚謂圍當作固古禦  
字作固管子墨子書皆然鄭注作圍傳寫之誤今  
司馬瀛爲禦字从俗作也

方相氏掌蒙熊皮注云冒熊皮者以驚毆疫癘之鬼  
如今魍魎也應劭風俗通曰俗說亾人魂氣游揚  
故作魍魎以存之言頭魍魎然盛大也或爲魍魎  
爲觸穢殊方語也

御覽說文云今逐疫有顛頭

大僕建路鼓于大寢之門外以待達窮者與遽令注

云鄭司農云窮謂窮冤失職則來擊此鼓若今時  
上變事擊鼓矣遽傳也若今時驛馬軍書當急聞  
者亦擊此鼓元謂遽令郵驛上下程品棟案漢廢  
律有上變事及驚事告急漢廢律魏改  
為郵驛令漢書梅福  
傳云數因縣道上言變事求假軺傳詣行在所條  
對急政輒報罷師古曰變謂非常之事黥布傳賁  
赫上變事桀傳詣長安

職方氏樊毅脩華嶽碑云周禮識方氏歐陽永叔云  
識字字畫分明非譌闕疑當時周禮之學自如此

棟案周禮多古字如機字作職職字作識識字作志漢時已不能盡攷況後世乎

秋官司圜注鄭司農云圜謂圜土也圜土謂獄城也

今獄城圜春秋元命苞曰爲獄圜者象斗運宋均

注云作獄圜者象斗運也

初學記引

冥氏注鄭司農云冥讀爲冥氏春秋之冥王伯厚云漢泰山冥都傳春秋故云冥氏春秋案夏本紀禹姒姓後有冥氏

薤氏注云書薤或作夷鄭司農云今俗間謂麥下爲

夷下言芟夷其麥以其下種禾豆也元謂薤讀如

鬢小兒頭之鬢

說文云鬢鬢髮大人曰髡小兒曰鬢盡及身毛曰髡案甘泉

賦云列新雉於林薄服虔曰新雉香草也雉夷聲

相近師古曰新雉卽辛夷春秋傳曰五雉爲五工

正夷民者也服虔曰雉者夷也夷平也孔穎達云

雉聲近夷雉訓夷夷爲平薤讀如鬢者說文云古

文雉从弟篆文弟夷字相似荀氏易渙六四云匪

弟所思今本作夷

蝸氏注鄭司農云蝸讀爲蜮蜮蝦蟇也月令曰蝻蝸

鳴元謂蝸今御所食蛙也字从虫國聲蝮乃短狐  
棟案說文蝮正字也蝸或字也許氏以爲短狐

壺涿氏注云故書涿爲獨鄭司農云獨讀爲濁其源  
之濁音與涿相近書亦或爲濁

大司寇凡庶民之獄訟以邦成弊之汙云邦成八成  
也鄭司農云邦成謂若今時決事比也士師職云  
掌士之八成先鄭云行事有入篇若今之決事比  
則八成謂邦汙邦賊以下入事實疏以爲小宰之  
八成非也東觀漢記鮑昱傳云時司徒例訟久者

至十數年比例輕重非其事類錯雜難知是奏定  
決事都目八卷以齊同法令息邊民訟則知漢時  
決事雖多至三百餘篇其都目以入篇爲卒故先  
鄭引以爲證

小司寇云凡命夫命婦不躬坐獄訟注云不身坐者  
必使其屬若子弟也杜預僖廿八年傳注云傳曰  
王叔之宰與伯與之大夫坐獄於王庭各不身親  
蓋今長吏有罪先驗吏卒之義

以入辟麗邦灋注云杜子春讀麗爲羅元謂麗附也



易曰日月麗乎天案麗者離也離猶羅也羅當作  
罹洪範云不罹于咎史記引作離尙書大傳引作  
麗古字並通

議親之辟注鄭司農曰若今時宗室有罪先請是也  
漢書平帝紀元始元年令公列侯嗣子有罪耐以  
上先請續漢書百官志云宗室若有犯法當髡以  
上先詣宗正宗正以聞乃報決

議賢之辟注鄭司農云若今時廉吏有罪先請是也  
宣帝黃龍元年詔曰舉廉吏誠欲得其眞也吏六

百石位大夫有罪先請

議能之辟說文曰罷遣有辜也从网能言有賢能而入网而貰遣之周禮曰議能之辟

議貴之辟鄭司農云若今時吏墨綬有罪先請是也後漢光武紀云建武二年詔曰吏不滿六百石下至墨綬長相有罪先請蔡邕橋公碑云遷齊相臨淄令賂財賊多罪正受鞠就刑竟以不先請免官大賓客前王而辟鄭司農云若今時執金吾下至令

尉奉引矣續漢書輿服志云乘輿大駕公卿奉引

大僕御大將軍參乘棨輿灋駕八卿不在鹵簿中  
河南尹執金吾雒陽令奉引奉車郎御侍中參乘  
士師掌士之八成一曰邦汭鄭司農云汭讀如酌酒  
尊中之酌國汭者斟汭盜取國家密事若今時刺  
探尙書事詩正義云汭與酌古今字周頌酌左傳  
佗汭公羊僖八年經云鄭伯乞盟傳云蓋酌之也  
注云酌挹也穀梁作汭是汭爲挹取之義沈約曰  
寫書謂之刺漢制不得刺尙書事是也後漢書楊  
倫傳尙書奏倫探知密事應劭風俗通云司徒韓

演伯南爲丹楊大守坐從兄季朝爲南陽太守刺  
探尙書演法車徵蓋漢律有此條故鄭據以爲說  
詁士云凡四方之有治於士者造焉注云如今郡國  
亦時遣主者吏詣廷尉議者棟案此請讞之法當  
在漢興律篇中胡廣漢官篇解詁曰廷尉當疑獄  
北堂書引漢書景帝紀後元年詔曰獄疑者讞有司有  
司所不能決移廷尉有令讞而後不當讞者不爲  
失杜周傳云周爲廷尉二千石繫者新故相因不  
減百餘人郡吏大府舉之廷尉一歲至千餘章大

者連逮證案數百小者數十人遠者數千里近者數百里會獄注云舉皆也言郡吏大府獄事皆歸廷尉也陳湯傳廷尉增壽議以爲臣下承用失其中故移獄廷尉如淳曰移獄廷尉如今讞罪輕重于定國傳定國爲廷尉冬月治請讞飲酒益精明是漢時疑獄皆讞於廷尉後漢襄楷上疏曰頃數十歲以來州郡玩習又欲避請讞之煩輒託疾病多死牢獄蓋自安順而後請讞之法稍弛矣

朝士凡士之治有期日期內之治聽期外不聽注鄭

司農云若今時徒論決滿三月不得乞鞠鄧展曰  
漢律有故乞鞠司馬貞案晉令云獄結竟呼囚鞠  
語罪狀囚若稱枉欲乞鞠者許之也新律序云二  
歲刑謂耐以上此魏世所改

凡民同貨財者令以國憲行之犯令者刑罰之注云  
若今時加貴取息坐臧漢書王子侯表云旁光侯  
殷坐取息過律免陵鄉侯訴坐貸穀息過律免息  
有程限過律則坐臧也

司刑注鄭司農云漢孝文帝十三年除肉刑疏云所

赦者唯赦墨劓與則三者其宮刑至隋乃赦也尙書正義曰漢除肉刑除墨劓荆耳宮刑猶在大隋開皇之初始除男子宮刑婦人猶閉於宮崔浩漢律序曰文產除肉刑而宮不易張斐律注云以淫亂人族序故不易也棟案漢書鼂錯對策曰除去陰刑張晏曰宮刑也則漢文亦除宮刑矣或後仍復之賈孔之說蓋本崔張

司刺三赦注云若今時律今年未滿八歲八十以上非手殺人他皆不坐光武紀建武三年詔曰男子

八十以上十歲以下及婦人從坐者自非不道詔

所名捕皆不得繫

鄭氏孝經注云手殺人者大辟卽漢律所云不道也

司厲其奴男子入于罪隸女子入于舂槩注云鄭司

農云今之爲奴婢古之罪人也元謂奴從坐而沒

入縣官者男女同名高誘曰漢律坐父兄沒入爲

奴魏志毛玠傳漢律罪人妻子沒爲奴婢黥面說

文曰男入罪曰奴女入罪曰婢

初學記引

風俗通曰古

制本無奴婢卽犯事者或原之賊者被賊罪沒入

爲官奴婢獲者逃亡獲得爲奴婢也

初學記引



掌戮殺王之親者辜之注云辜之言枯也謂磔之荀

子正論云斬斷枯磔注云韓子曰采金之禁得而

輒辜磔

內儲說

辜卽枯也又莊子有辜人巫咸文云

暴虐不姑姑與枯通易大過之九二云枯楊生荑

鄭讀枯爲姑謂無姑山榆是辜枯姑三字古皆通

也

壺涿氏注杜子春云梓讀爲枯枯榆木名與鄭注易同

條狼氏掌執鞭以趨辟注云若今卒辟車之爲也續

漢書志云大使車立乘駕駟從伍百璫弩十二人

辟車四人

薤氏掌殺草秋繩而芟之注云舍實曰繩釋文曰繩  
音孕棟謂繩當爲臙字之誤也管子五行篇臙婦  
不銷弃注云臙古孕字大元馴首曰蠅其膏人一  
月而膏蠅與臙同玉篇云臙或孕字汗簡云古文  
尙書以臙爲孕孕讀如繩易漸九三婦孕不育荀  
爽本孕作桑桑繩聲近故漸九五  
云鴻漸于陵婦三  
歲不孕終莫之勝

伊耆氏其其杖咸注云咸讀爲函古咸與函通毛詩  
巧言曰僭始旣涵韓詩作旣減減猶涵也司馬相  
如封禪文云上咸五下登三徐廣曰咸一作函漢

書天文志閒可械劒蘇林曰械音甬

大行人云諸侯之禮立當前疾毛居正六經正誤云  
案車上無名疾者說文軌車軾前也从車凡聲周  
禮曰立當前軌音範疑此近是棟謹案禮說云諸  
侯來朝行享於廟入大門下車所立之位上公立  
當車軾侯伯立當前侯子男立當車衡案侯俗作  
疾唐石經及宋本皆同論語邢昺疏鄉黨引周禮作前侯云侯  
伯立當前侯胡下又小雅蓼蕭章孔疏引大行人  
亦作前侯蓋說文疾作疾古文侯作侯相似易亂

故前侯譌爲前疾賈疏不詳莫能辨正俗本流傳  
誤人久矣又案說文引周禮仵前軌云軌車軾前  
也詩小戎陰鞞傳云陰揜軌也孔疏謂以板木橫  
側車前陰映此軌故謂之陰考工記軌前十尺謂  
軾前曲中下垂柱地如人之頸故謂之侯侯猶胡  
也故鄭注訓爲胡以其在軌前故曰前侯然則陰  
也侯也胡也皆前軌之名揜軌曰陰曲中曰侯下  
垂曰胡總名爲軌當依說文定作軌則前衡後軾  
而軌在其間讀者一見而心目了然矣

凡諸侯之王事注云孟子曰諸侯有王毛氏正誤曰  
諸本皆云孟子曰諸侯有王案孟子無此句小行  
人注引春秋傳曰宋公不王又曰諸侯有王王有  
巡守此注是也棟案菽文志孟子十一篇趙臺卿  
題辭云著書七篇又有外書四篇性善辨文說孝  
經爲正其文不能宏深不與內篇相似外篇今亡  
秦漢諸人引孟子者今孟子皆無之見王伯厚攷證鄭氏  
所引安知不在外篇乎毛說未是劉昌詩云新喻謝氏多藏古書  
有性善辯一帙則知與文說孝經爲正是謂四篇  
然則孟子逸書宋時猶有存者唐時尙未亡也

小行人云令諸侯春入貢秋獻功注云秋獻功若今  
計文書斷於九月其舊法盧植曰計斷九月因秦  
以十月爲正故

劉昭  
注補

司儀問君客再拜對君問大夫客對君勞客客再拜  
稽首注云問君曰君不恙乎對曰使臣之來寡君  
命臣于庭問大夫曰二三子不恙乎對曰寡君命  
使臣于庭二三子皆在勞客曰道路悠遠客甚勞  
勞介則曰二三子甚勞王伯厚曰此亦見說苑鄭  
氏所述蓋古禮也賈疏云未知所出何文或云是

孔子聘問之辭棟案襄廿七年春秋傳曰仲尼使  
舉是禮也以爲多文辭服虔云以其多文辭故特  
舉而用之後世謂之孔氏聘辭此書漢時猶存故  
鄭引之或說非無據也

行夫居於其國則掌行人之勞辱事焉使則介之注  
云使謂大小行人也故書曰夷使鄭司農云夷使  
使於四夷元謂夷發聲案此則夷使猶焉使也晉  
語云焉作爰田焉作州兵淮南子云天子焉始棄  
舟禮記云故先王焉爲之立制又云焉使倍之公

羊傳云比託始焉爾又云吾將焉致乎魯國皆訓  
爲於篆文焉於相似故於亦作焉焉使者言於行  
人之使則爲之介劉氏音焉爲夷非也或以焉屬  
上句尤誤

考工記作舟以行水注云故書舟作周鄭司農云周  
當爲舟隸法周作舟又作舟舟作舟或作舟字本  
相類謹案詩說云大東舟人之子鄭曰舟當作周  
案集古錄庚父敦銘有伯庶父作王姑舟尊敦或  
謂舟爲丹又以爲井董廣川以爲朱鮪集字舟爲



古文周字

汗簡云朱育集字

顧瑩王釋亦引詩爲証又史

伯碩父鼎銘亦有王母舟母四十二字則舟卽爲周舟人之子卽上文西人之子也詩以舟爲周考工以周爲舟義並通

輪人以其圓之防稍其藪鄭司農云藪讀爲蜂藪之藪謂穀空壺中也案說文曰操車穀中空也从本槩聲讀若藪然則藪本佻操讀爲藪也

參分其輻之長而殺其一注云殺衰小之也案殺猶

衰也

見儀禮注

衰亦訓小春秋傳云其周德之衰乎注

云衰小也小猶殺也

軒人大車之輶輶注云輶輶也案輶本軒輶字或作輶見淮南子或作輶見儀禮注既夕云志矢一輶

軒輶中廬人注云反覆猶軒輶也軒輶猶軒輶毛

詩如輶如軒傳云輶輶也

張有復古編云輶抵也从車執別作輶非

輶欲頌典注云頌典堅刃貌鄭司農云頌讀爲懇典

讀爲殄輶車之輶率尺所一縛懇典似謂此棟案

殄古文輶字輶善也尺許一束一輶五束故謂善

也毛詩遵條不殄箋殄當爲輶燕禮不輶之酒注

云古文𠂔作𠂔

終日馳騁左不捷注云書𠂔或作𠂔元謂𠂔今倦字也說文𠂔勞也漢涼州刺史魏君碑云施舍不𠂔是𠂔與倦同毛居正六經正誤云𠂔契字皆从刀古者刻木爲之故从刀从力者古倦字考工記斲人左不𠂔是也

冶氏案周有𠂔冶氏爲齊大公置良劍見戰國策高誘注曰𠂔姓冶官名也因以爲氏知鑄劍曉鐵理能相劍

鮑人云察其線欲其藏也注云故書線或作綜杜子

春云綜當爲糸旁泉讀爲紉謂縫革之縷說文綫

縷也古文作線線與綜相似漢書功臣表云不絕

如綫晉灼曰綫今線縷字以線爲今文未之攷也

韞人爲皋陶穹者三之一鄭司農云穹讀爲志無空

邪之空案弟子職云志無虛邪或古本虛作空故

讀从之古穹與空同韞詩白駒云在彼穹谷文選注

今詩穹作空薛君曰穹谷深谷也

玉人天子用全上公用龍侯用璫伯用將注云玉多

則重石多則輕公侯四玉一石伯子三玉二石說  
文曰全純玉也龍四玉一石也璜三玉二石也將  
說文作瑋瑋玉石半相瑋棟案鄭氏之說本逸禮  
王度記引見白虎通許氏之說蓋本賈逵逵作周官解  
故許从之受學故說文多依其說

矢人凡相筈欲生而搏生謂材生也古謂初取之材  
爲生管子曰棟生橈韓非子曰涂濡而椽生皆謂  
初取之材也生而搏者燥則直是良材也

梓人爲飲器勺一升爵一升觚三升趙明誠曰大觀

中澼之昌樂丹水岸得爵及觚二器以觚量之適容三爵與攷工記合鄭氏據韓詩以爲觚當作解七經小傳云一獻而三酬者獻以一升酬以三升也并而計之爲四升四升爲豆豆雖非飲器其計數則然此劉氏欲闢鄭氏改豆爲斗之說案文云爵一升觚三升一獻而三酬適合一斗之數故鄭云豆當爲斗如劉氏之說當云一獻而三酬乃合一豆之數

廬人灸諸牆注云灸猶柱也釋文云灸音救封也音樹灸說文引佗久云从後灸之象人兩脰後有距也案旣夕云木析久之注云久當爲灸士喪禮云冪用疏久之注云久讀爲灸謂以蓋冪其口下注

云以柱兩牆之間輓而內之與儀禮久之同義是  
久爲古文灸爲今文也

灸从火久聲  
古文省火

車人爲耒底長尺有一寸鄭司農云底讀爲其額有  
疵之疵謂耒下岐疏云俗人謂額額之上有疵病  
故讀從之棟謂其額有疵當在孟子今書疵作泚  
或先鄭所據本與趙氏異耳賈疏失之

弓人菑栗不弛注云栗讀爲裂繻之裂毛詩東山曰  
烝在栗薪箋云栗析也古者聲栗裂同也

跋

周禮本多奇字然字異而其爲義則一也若此卷所引則字異而義亦因之以異而余所尤服膺者周人附庸之制今人莫能知其大小松厓先生于大宗伯五命賜則一條引漢書王莽傳云子男一則土方五十里附城大者食邑九成土方三十里自九以下降殺以兩至于一成五差備具合當一則觀于此而五等附庸大小之制彰彰矣此等制度有關典則不小自非通儒其能見及此耶翠嶺沈楸惠